

NACRT



OPĆINA VELIKA KLADUŠA

PROGRAM PODRŠKE POLJOPRIVREDNIM PROIZVOĐAČIMA SA PODRUČJA OPĆINE VELIKA KLADUŠA ZA 2026. GODINU

Februar, 2026. godine

NACRT

Na osnovu člana 27. Odluke o izvršavanju budžeta Općine Velika Kladuša za 2026. godinu („Službeni glasnik Općine Velika Kladuša”, br. 17/25) i člana 34. Statuta Općine Velika Kladuša („Službeni glasnik Općine Velika Kladuša”, br. 12/11), Općinsko vijeće Općine Velika Kladuša na svojoj _____ redovnoj sjednici održanoj dana _____ donosi:

PROGRAM

podrške poljoprivrednim proizvođačima sa područja općine Velika Kladuša

I OPĆE ODREDBE

U skladu sa Zakonom o poljoprivredi („Službene novine Federacije BiH“, broj: 88/07, 4/10, 27/12, 7/13 i 82/21) u kome je navedeno da jedinice lokalne samouprave mogu osigurati novčane podrške za razvoj poljoprivrede, te na temelju člana 8. Zakona o principima lokalne samouprave, („Službene novine Federacije BiH“, broj: 49/06 i 51/09), u Budžetu Općine Velika Kladuša za 2026. godinu predviđeno je 500.000,00 KM za poticanje poljoprivredne proizvodnje, što predstavlja kontinuirano izdvajanje sredstava od strane Općine Velika Kladuša za razvoj poljoprivrede na području općine Velika Kladuša.

KORISNICI PODRŠKE

Korisnici podrške su:

1. Poljoprivrednici sa područja općine Velika Kladuša koji na svom i/ili zakupljenom zemljištu na području općine Velika Kladuša ostvaruju vlastitu poljoprivrednu proizvodnju i na taj način potiču razvoj ruralnih područja razvijanjem obiteljskih gazdinstava. Pravo na poticaje ostvaruju poljoprivrednici, fizičke osobe, registrirani poljoprivredni obrti, poljoprivredna gazdinstva, te poljoprivredne zadruge i d.o.o registrirana za obavljanje poljoprivredne djelatnosti.
2. Poljoprivredni proizvođači koji ispunjavaju uvjete navedene u ovom Programu, Službi za poduzetništvo, lokalni razvoj i implementaciju projekata dužni su dostaviti zahtjev za podršku kompletiran sa dokumentacijom propisanom u ovom Programu.
3. **Pravo na sredstva podrške ne mogu ostvariti pravna lica kojima je osnivač Općina Velika Kladuša.**

S obzirom na predviđena sredstva u Budžetu Općine Velika Kladuša za 2026. godinu, mjere podrške u poljoprivredi iz Budžeta Općine Velika Kladuša u 2026. godini bit će usmjerena na slijedeće:

Mjera podsticaja	Iznos sredstava u KM
MJERA 1: Nabavka opreme za razvoj poljoprivredne proizvodnje	Pravna lica 120.000 KM Fizička lica: 170.000 KM
MJERA 2: Sufinansiranje doprinosa za vlasnike obrta – poljoprivredne djelatnosti	Pravna lica – obrti 75.000
MJERA 3: Nabavka plastenika za nove poljoprivredne proizvođače	70.000 KM
MJERA 4: Start-up podrška mladim poljoprivrednicima	50.000
MJERA 5: Sufinansiranje uzgoja zaprežnih konja	15.000

UKUPNO: 500.000,00 KM

Ukoliko se sredstva iz jednog sektora poljoprivredne proizvodnje ne utroše mogu se prebacivati u drugi sektor u skladu sa opravdanošću zahtjeva drugog sektora i to nakon isteka rokova predviđenih za podnošenje zahtjeva za određenu poljoprivrednu proizvodnju.

I POSEBNI KRITERIJI PO VRSTAMA PROIZVODNJE SA POTREBNOM DOKUMENTACIJOM

1. Nabavka opreme za razvoj poljoprivredne proizvodnje

Iznos predviđene podrške:

Pravna lica 120.000 KM

Fizička lica: 170.000 KM

Pravo na ovu vrstu podršku imaju poljoprivredni proizvođači sa područja općine Velika Kladuša.

Opći uslovi (za sve podnosioc):

Podnosilac zahtjeva mora:

- imati prebivalište/sjedište na području općine Velika Kladuša,
- biti upisan u Registar poljoprivrednih gazdinstava,
- imati aktivnu poljoprivrednu proizvodnju,
- imati ažurirane podatke u Registru poljoprivrednih gazdinstava za 2026. godinu najkasnije do 31.marta 2026. godine i
- imati izmirene obaveze prema Općini Velika Kladuša.

Posebni uslovi – pravna lica

- da je obrt registriran za obavljanje poljoprivredne djelatnosti,
- da d.o.o ili zadruga ima obavještenje o početku rada poljoprivredne djelatnosti,
- oprema koja se nabavlja mora biti u funkciji osnovne djelatnosti,
- da poljoprivredni proizvođač na svom gazdinstvu ima najmanje jednu od proizvodnji: 10 muznih krava u sistemu otkupa mlijeka, 5 grla tovnih junadi, 5 visokosteonih junica, 100 ovaca, 25 koza, 100 pčelinjih društava, 400 m² plastenika ili staklenika, 5 dunuma pod jagodičastim voćem ili zasadam krastavca, 5 dunuma intenzivnih zasada visokostablašica (jabučasto, koštičavo i jezgrasto voće), kod animalne proizvodnje koja ne uključuje pčele uvijet je da poljoprivredni proizvođač ima najmanje 2 ha poljoprivrednog zemljišta upisanog u RPG.

Posebni uslovi – fizička lica

- oprema se koristi isključivo za vlastitu proizvodnju
- da poljoprivredni proizvođač na svom gazdinstvu ima najmanje jednu od proizvodnji: 3 muzne krave u sistemu otkupa mlijeka, 3 grla tovnih junadi, 3 visokosteone junice, 50 ovaca, 25 koza, 50 pčelinjih društava, 200 m² plastenika ili staklenika, 2 dunuma pod jagodičastim voćem ili zasadam krastavca, 3 dunuma intenzivnih zasada visokostablašica (jabučasto, koštičavo i jezgrasto voće), kod animalne proizvodnje koja ne uključuje pčele uvijet je da poljoprivredni proizvođač ima najmanje 1 ha poljoprivrednog zemljišta upisanog u RPG.

Aplikantu fizičkom licu se može odobriti maksimalni iznos sredstava za predmetnu mjeru podrške u iznosu do 5.000,00 KM, dok pravnom licu se može odobriti maksimalni iznos sredstava za predmetnu mjeru podrške u iznosu do 10.000,00 KM.

Prihvatljivi troškovi sufinansiranja – PRAVNA LICA

Pravna lica (obrti, d.o.o. i zadruge) mogu ostvariti pravo na sufinansiranje za:

- nabavku nove poljoprivredne mehanizacije i priključaka (plugovi, freze, sijačice, prskalice, kosilice, balirke i sl.),
- nabavku specijalizirane opreme za stočarsku proizvodnju (muzni sistemi, laktofrizi, sistemi za ishranu i napajanje),
- nabavku opreme za pčelarstvo (košnice, vrcaljke, linije za preradu i pakovanje meda),

- nabavku opreme za biljnu, povrtnarsku i voćarsku proizvodnju (plastenici i staklenici, sistemi za navodnjavanje, protugradne mreže, sistemi za zaštitu usjeva),
- nabavku opreme za primarnu preradu i skladištenje poljoprivrednih proizvoda (hladnjače, rashladni uređaji, sušare, oprema za sortiranje, kalibraciju i pakovanje),
- nabavku digitalne i automatizirane opreme za unapređenje poljoprivredne proizvodnje (softveri, senzori, mjerne stanice, automatski sistemi upravljanja).

Prihvatljivi troškovi sufinansiranja – FIZIČKA LICA

Fizička lica mogu ostvariti pravo na sufinansiranje za:

- nabavku nove poljoprivredne opreme i manjih priključaka (freze, prskalice, kosilice, atomizeri, motorne pile i sl.),
- nabavku opreme za stočarsku proizvodnju manjeg obima (mobilne muzilice, oprema za ishranu i napajanje stoke, električne ograde),
- nabavku pčelarske opreme (košnice, vrcaljke, topionici voska, oprema za skladištenje meda),
- nabavku plastenika i opreme za povrtnarsku proizvodnju (folije, konstrukcije, sistemi za navodnjavanje),
- nabavku opreme za voćarsku proizvodnju (oprema za rezidbu, mreže za zaštitu, sistemi za navodnjavanje),
- nabavku opreme za skladištenje i čuvanje poljoprivrednih proizvoda namijenjene vlastitoj proizvodnji (manji rashladni uređaji, komore).

Uz zahtjev se prilažu slijedeći dokumenti:

- zahtjev za ostvarivanje navedenog poticaja;
- lista stoke iz RPG-a i lista korištenja zemljišta;
- kopija potvrde o provedenim obaveznim mjerama zdravstvene zaštite životinja,
- kopija pasoša goveda na ime vlasnika, obrta ili pravnog lica,
- predračun za nabavku priključka aparata i druge opreme,
- izjava o vlastitom učešću,
- izjava o korištenju poticajnih sredstava,
- rješenje o osnivanju obrta ili obavijest o početku rada poljoprivredne djelatnosti za d.o.o i zadrugu,
- lista zaposlenih za pravna lica, i
- transakcijski račun banke

Da je izvršeno ažuriranje podataka u RPG do 31. marta 2026. godine službeno provjerava nadležni Organ.

U postupku dodjele sredstava prihvatljivi su predračuni i računi izdati u 2026. godini za kupovinu opreme.

KRITERIJI BODOVANJA – PRAVNA LICA

Maksimalan broj bodova: 100

R.br.	Kriterij	Opis	Bodovi
1.	Vrsta proizvodnje	Strateška proizvodnja (mlijeko, tov, voće, povrće, pčelarstvo)	20
2.	Obim proizvodnje	Veći obim od minimalno propisanog	15
3.	Novoosnovani subjekt	Obrt / d.o.o. / zadruga do 2. godine	15
4.	Broj zaposlenih	1–2 zaposlena (5), 3 i više (10)	do 15
5.	Ulaganje u modernizaciju	Oprema doprinosi tehnološkom unapređenju	10
6.	Dosadašnje korištenje poticaja	Nije koristio općinske poticaje u predhodnoj godini	10
7.	Vlastito učešće	Vlastito učešće $\geq 30\%$	15

Ukupno: 100 bodova

KRITERIJI BODOVANJA – FIZIČKA LICA

Maksimalan broj bodova: 100

R.br.	Kriterij	Opis	Bodovi
1.	Mladi poljoprivrednik	Nosilac gazdinstva do 35 godina	25
2.	Žena nosilac gazdinstva	Nosilac je žena	10
3.	Vrsta proizvodnje	Strateška proizvodnja (mlijeko, tov, voće, povrće, pčelarstvo)	20
4.	Obim proizvodnje	Veći obim od minimalno propisanog	15
5.	Novoosnovano gazdinstvo	Registrovano do 2 godine	10
6.	Dosadašnje korištenje poticaja	Nije koristio općinske poticaje u predhodnoj godini	10
7.	Vlastito učešće	Vlastito učešće $\geq 30\%$	10

Poljoprivreni proizvođač može ostvariti pravo na novčanu podršku samo za jednu poljoprivrednu mašinu ili opremu. Poljoprivredni proizvođač ne može ostvariti sredstva podrške za kupovinu iste mašine na više nivoa (općina, kanton, federacija).

Kupovina poljoprivrednih mašina i opreme mora biti vezana isključivo za djelatnost s kojom se poljoprivredni proizvođač bavi.

Sufinansirana oprema mora biti u posjedu poljoprivrednog proizvođača najmanje 3. godine.

2. Sufinansiranje doprinosa za vlasnike poljoprivrednih djelatnosti

Iznos predviđene podrške: 75.000,00 KM

Poticajna sredstva su bespovratna i namjenjena su za sufinansiranje troškova obaveza doprinosa (PIO, zdravstveno osiguranje i osiguranje od nezaposlenosti) za vlasnike obrta u poljoprivredi za 2026. godinu. Pravo na poticajna sredstva za sufinansiranje troškova doprinosa za vlasnike poljoprivrednih djelatnosti nemaju korisnici poticaja za samozapošljavanje. Pravo na poticajna sredstva imaju samo poljoprivredne djelatnosti koje su registrirane najkasnije do 31.12.2025. godine.

Uvjeti za odabir kandidata su slijedeći:

- da vlasnik poljoprivredne djelatnosti posjeduje rješenje nadležnog organa o odobrenju za obavljanje poljoprivredne djelatnosti,
- da se poljoprivredna djelatnost obavlja na području općine Velika Kladuša,
- da je poljoprivredna djelatnost upisana u Registar poljoprivrednih gazdinstava,
- da su vlasnici poljoprivredne djelatnosti ažurirali podatke za poljoprivrednu proizvodnju u 2026. godini najkasnije do 31.03.2026. godine,
- da se poljoprivredna djelatnost obavlja u osnovnom zanimanju,
- da se poljoprivredna djelatnost u poljoprivrednoj proizvodnji ima jednu od slijedećih poljoprivrednih proizvodnji, odnosno najmanje:
 - 5 grla tovnih junadi,
 - 5 muznih krava,
 - 50 ovaca,
 - 25 koza,
 - 50 pčelinjih društava,
 - 200 m² plastenika ili staklenika,
 - 3 dunuma pod jagodičastim voćem,

- 3 dunuma intenzivnih zasada visokostablašica (jabučasto, koštičavo i jezgrasto voće).
- da vlasnici poljoprivrednih djelatnosti nisu korisnici poticajnih sredstava za samozapošljavanje
- da su vlasnici poljoprivrednih djelatnosti opravdali dodjeljena sredstva od strane Općine Velika Kladuša za finansiranje doprinosa u 2025. godini.

Uz zahtjev aplikant prilaže:

1. Kopiju rješenja o osnivanju poljoprivredne djelatnosti - obrta u osnovnom zanimanju,
2. Izjavu da vlasnici poljoprivrednih djelatnosti-obrta nisu korisnici poticajnih sredstava za samozapošljavanje u 2026. godini koja se odnose na uplatu doprinosa,
3. ID broj za poljoprivrednu djelatnost-obrt,
4. Obrazci Porezne uprave F BiH (2002) o izvršenoj uplati doprinosa za vlasnike poljoprivrednih djelatnosti zaključno sa 31.03.2026. godine,
5. Dokaz da poljoprivredna djelatnost ima bar jednu od slijedećih proizvodnji (minimalno 5 muznih krava, minimalno 5 grla tovnih junadi, minimalno 50 ovaca, minimalno 25 koza, minimalno 50 pčelinjih društava, minimalno 200 m² plastenika ili staklenika, minimalno 3 dunuma pod jagodičastim voćem, minimalno 3 dunuma intenzivnih zasada visokostablašica (jabučasto, koštičavo i jezgrasto voće),
6. Dokaz o otvorenom aktivnom računu u banci za obrt.

MJERA 3: Nabavka plastenika za nove poljoprivredne proizvođače

Iznos predviđene podrške: 70.000,00 KM

Pavo na poticaje imaju poljoprivredni proizvođači fizička lica koji već imaju zasnovanu poljoprivrednu proizvodnju koja se ne odnosi na plasteničku proizvodnju i fizička lica koja imaju namjeru da se bave poljoprivrednom proizvodnjom u plastenicima uz uvjet da se registriraju u RPG prije podnošenja zahtjeva za ostvarivanje prava na sufinansiranje troškova nabavke plastenika.

Poticati će se nabavka plastenika u površini do 200 m². Maksimalan iznos podrške iznosi 70% od dostavljenog predračuna za kupovinu plastenika sa sistemom za navodnjavanje.

KRITERIJI BODOVANJA

A) Socijalno-ekonomski kriteriji

Kriterij	Opis	Bodovi
Broj članova domaćinstva	1–2 člana (5), 3–4 člana (10), 5 i više (20)	do 20
Imovinski cenzus	Domaćinstvo nema dodatne prihode osim poljoprivrede	20
	Dodatni prihod do visine prosječne plate obavljene u mjesecu u kojem je raspisan javni poziv	10
	Dodatni prihod iznad prosječne plate obavljene u mjesecu u kojem je raspisan javni poziv	0

Maksimalno (A): 40 bodova

B) Status podnosioca zahtjeva

Kriterij	Opis	Bodovi
Novi poljoprivredni proizvođač	Registрован u RPG do 2. godine	20
Mladi poljoprivrednik	Nosilac do 35 godina	15

Kriterij	Opis	Bodovi
Žena nosilac gazdinstva	Nosilac je žena	10

Maksimalno (B): 45 bodova

C) Proizvodni kriteriji

Kriterij	Opis	Bodovi
Veličina planiranog plastenika	do 100 m ² (5), 100–200 m ² (10)	do 15

Maksimalno (C): 15 bodova

UKUPNO: 100 BODOVA

U slučaju istog broja bodova, prednost imaju:

1. domaćinstva sa većim brojem članova i
2. domaćinstva sa nižim prihodima.

Uz zahtjev se prilažu sljedeći dokumenti:

- zahtjev za ostvarivanje navedenog poticaja,
- uvjerenje o zajedničkom domaćinstvu,
- dokaz o prihodima za sve punoljetne članove domaćinstva (ukoliko su nezaposleni – uvjerenje sa biroa rada),
- predračun za nabavu plastenika i
- transakcijski račun banke.

4. Start-up podrška mladim poljoprivrednicima

Iznos predviđene podrške: 50.000,00 KM

Cilj ove mjere je podsticanje mladih osoba na osnivanje obrta koji se odnose na poljoprivredne djelatnosti kroz sufinansiranje nabavke osnovne opreme za pokretanje poljoprivredne proizvodnje.

Pravo na ovu mjeru podrške imaju mladi poljoprivrednici koji ispunjavaju sljedeće uslove:

- imaju prebivalište na području općine Velika Kladuša,
- imaju do 35. godina starosti u trenutku podnošenja zahtjeva,
- imaju registrovan poljoprivredni obrt u periodu od 01.01.2025. godine do dana objave javnog poziva ili su u postupku osnivanja obrta u trenutku podnošenja zahtjeva,
- obrt se registriira za obavljanje poljoprivredne djelatnosti,
- imaju izmirene obaveze prema Općini Velika Kladuša.

Sredstva su namijenjena za:

- nabavku nove poljoprivredne opreme i alata,
- nabavku manje poljoprivredne mehanizacije i priključaka,
- opremu za stočarsku, biljnu, voćarsku i pčelarsku proizvodnju,
- plastenike, sisteme za navodnjavanje i zaštitu biljne proizvodnje,
- nabavku stoke i rasadnog materijala.

Kupovina polovne opreme nije prihvatljiva.

KRITERIJI BODOVANJA

Maksimalan broj bodova: 100

R.br.	Kriterij	Opis	Bodovi
1.	Starost kandidata	do 25 god. (25), 26–30 (20), 31–35 (15)	do 25
2.	Vrsta proizvodnje	Strateška proizvodnja (mlijeko, tov, voće, povrće, pčelarstvo)	20
3.	Poslovna ideja	Jasno obrazložena i održiva	15
4.	Vlastito učešće	do 20% vlastitih sredstava	10
5.	Vlastito učešće	≥ 20% vlastitih sredstava	20
6.	Ostvarivanje egzistencije	Poljoprivreda glavni izvor prihoda u domaćinstvu	20

Ukupno: 100 bodova

Za predmetnu mjeru podrške može se odobriti maksimalni iznos sredstava do 10.000,00 KM po aplikantu.

Način odabira korisnika

Komisija vrši bodovanje i sačinjava rang-listu. Sredstva se dodjeljuju korisnicima s najvećim brojem bodova do utroška sredstava. U slučaju istog broja bodova, prednost imaju:

1. mlađi kandidati,
2. veće vlastito učešće.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Poslovna ideja,
- Dokaz da je poljoprivreda glavni izvor egzistencije za domaćinstvo,
- Izjava o vlastitom učešću,
- Predračun za nabavku opreme, mehanizacije, stoke i rasadnog materijala i
- Transakcijski račun banke.

5.Sufinansiranje uzgoja zaprežnih konja

Iznos predviđene podrške: 15.000,00 KM

Cilj ove mjere je podsticanje očuvanja i razvoja tradicionalnog uzgoja zaprežnih konja na području općine Velika Kladuša, povećanje konkurentnosti domaćih gazdinstava koja koriste konje za poljoprivredne i turističke svrhe i očuvanje autohtonih i kvalitetnih pasmina konja.

Pravo na podršku imaju poljoprivredni proizvođači koji imaju:

- prebivalište na području općine Velika Kladuša,
- najmanje jednog registriranog zaprežnog konja u RPG,
- ažurirane podatke u Registru poljoprivrednih gazdinstava najkasnije do 31. marta 2026. godine i
- izmirene obaveze prema Općini Velika Kladuša.

Sredstva će se rasporediti ravnomjerno u odnosu na broj prijavljenih zaprežnih konja za koje se utvrdi za ispunjavaju uvijete javnog poziva.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Dokaz o provedenim mjerama zdravstvene zaštite za konja i
- Transakcijski račun banke.

II PROVEDBA POSTUPKA SA NAČINOM ISPLATE

Nakon usvajanja Programa od strane Općinskog vijeća Općine Velika Kladuša, Općinski načelnik, putem Službe za poduzetništvo, lokalni razvoj i implementaciju projekata, raspisat će javne pozive za dostavu prijave po utvrđenim mjerama.

Javni poziv sadrži sljedeće informacije:

- predmet, namjenu i iznos raspoloživih sredstava poticaja,
- potrebne uslove za učešće,
- način podnošenja prijave,
- potrebnu dokumentaciju,
- kriterije za ocjenjivanje,
- rok do kada je javni poziv otvoren,
- druge podatke od značaja za javni poziv.

Podnošenje zahtjeva počinje objavom Javnog poziva, o čemu će poljoprivrednici biti obaviješteni putem: oglasne ploče Općine Velika Kladuša, JP RTV Velika Kladuša, web stranice Općine te drugih relevantnih medija na području općine. Rok za podnošenje zahtjeva iznosi 15 dana od dana objave Javnog poziva. Zahtjevi se podnose Službi za poduzetništvo, lokalni razvoj i implementaciju projekata Općine Velika Kladuša.

Utvrđivanje ispunjenosti kriterija u svakom pojedinačnom slučaju vrši Komisija imenovana od strane Općinskog načelnika. Komisija će, na osnovu uvida u dokumentaciju i terenskog uviđaja, sačiniti Zapisnik o utvrđenom činjeničnom stanju. Krajnji rok za utvrđivanje činjeničnog stanja po svakoj kategoriji korisnika je najduže 15 dana nakon sačinjavanja preliminarne liste korisnika.

Nakon obrade pristiglih zahtjeva i sačinjenih spiskova potencijalnih korisnika, imenovana komisija će sačiniti:

1. Rang-listu korisnika koji ispunjavaju sve kriterije i ostvaruju pravo na poticaj,
2. Listu podnositelja zahtjeva koji nisu ostvarili pravo na poticaj zbog manjeg broja bodova, nedostatka sredstava ili neispunjavanja uslova.

Prijedlog se dostavlja Općinskom načelniku, koji donosi Odluku o isplati poticaja uz predhodno potpisivanje ugovora sa odabranim korisnicima.

Obje liste će biti javno objavljene putem: oglasne ploče Općine Velika Kladuša, JP RTV Velika Kladuša, web stranice Općine i drugih medija na području općine, uz obaveznu mogućnost podnošenja eventualnih prigovora u roku koji će biti definisan Javnim pozivom.

Objava rang-liste i liste neodobrenih zahtjeva služiti će radi transparentnosti, kontrole i prava podnositelja da se informišu o rezultatima Javnog poziva.

U slučajevima kada Zapisnikom bude utvrđeno da podnositelj zahtjeva nije ispunio jedan ili više kriterija, zahtjev se neće odobriti, vrši se njegovo arhiviranje, a podnositelj će biti usmeno obaviješten o razlozima neodobravanja poticaja. Podnositelji zahtjeva koji u procesu realizacije Programa pokušaju prevariti Komisiju pružanjem netačnih podataka biće isključeni iz Programa poticaja naredne dvije godine.

Ukoliko nakon obrade pristiglih zahtjeva i sačinjenih spiskova potencijalnih korisnika sredstava ostane neiskorišten dio sredstava predviđenog ovim Programom i Grantom za razvoj poljoprivrede iz Budžeta Općine Velika Kladuša za 2026. godinu, ista će se prerasporediti u skladu sa izmjenama i dopunama ovog Programa.

Za realizaciju Programa zadužuju se:

- Služba za poduzetništvo, lokalni razvoj i implementaciju projekata,
- Služba za finansije, računovodstvo i javne nabavke.

OBRADIVAČ:

Služba za poduzetništvo,
lokalni razvoj i implementaciju projekata

PREDLAGAČ:

OPĆINSKI NAČELNIK